

UGOVOR
o javnoj nabavci robe

Zaključen između slijedećih ugovornih strana

1.KJP Centar "SKENDERIJA" d.o.o. Sarajevo ul.Terezije bb. Sarajevo
Kojeg zastupa direktor Amer Kapo
IB: 4200736910008
Reg.br. obaveznika PDV: 20073691008
Transakcijski račun :1610000050610052 otvoren kod Raiffeisen Bank
(u daljem tekstu:"Ugovorni organ")

2. Middle point electronics d.o.o. Sarajevo, Ul. Džemala Bijedića br 35,
71000 Sarajevo
koju zastupa direktorica Maida Veledar
IB: 4200148570004
Reg.br. obaveznika PDV: 200148570004
Transakcijski račun : 1541602004600678 otvoren kod Intesa Sanpaolo banka
,(u daljem tekstu:"Dobavljač")

I - Predmet Ugovora

Član 1.

Predmet ovog ugovora je nabavka i ugradnja sistema video nadzora po fazama, za koji je sproveden direktni sporazum broj 3037/17 od 31.05.2017. godine
Sastavni dio direktnog sporazuma je ponuda broj 540/16 od 15.02.2017 godine

II - Cijena

Član 2.

Ukupna vrijednost ovog Ugovora, prema specificiranim količinama i cijenama bez PDV-a, iznosi :

- 5.913,00 KM

Slovima: Pethiljadadevetstotinatrinaest KM I 00/100)

Ukupna vrijednost ovog Ugovora, prema specificiranim količinama i cijenama sa PDV-a, iznosi :

- 6.918,21 KM

Slovima : Šesthiljadadevetstotinaosamnaest KM I 21/100)

(Predračun broj 540/16 od 15.02.2017 godine je sastavni dio ugovora)
Cijene su fiksne i nemogu se mijenjati.

III –Uslovi i način plaćanja

Član 3.

Ugovorni organ će na osnovu ispostavljene fakture za svaku isporučenu robu od strane Dobavljača iz člana 1. ovog ugovora izvršiti plaćanje na račun Dobavljača, naznačen na fakturi, po dostavljanju robe i prijema od strane Ugovornog organa.

Kao dokaz izvršene isporuke robe prilaže se radni nalog koji sadrži kvantitativni i kvalitativni opis, a koju potpisuju Ugovorni organ i Dobavljač, a ista će se prikazati na fakturi/računu.

Ukoliko Dobavljač ne isporuči robu u skladu sa zahtjevima iz specifikacije, roba neće biti primljena niti plaćena i staviti će se na raspolaganje Dobavljaču..

IV-Trajanje ugovora

Član 4.

Ugovor se zaključuje na određeno vrijeme, i traje 12 mjeseci od dana potpisivanja istog.

V- Obaveze Ugovornog organa

Član 5.

Ugovorni organ je posebno **obavezan**:

- Izvršiti obaveze iz člana 3. ovog Ugovora;
- Izvrši preuzimanje robe. u ime i za račun Ugovornog organa kvantitativni i kvalitativni prijem će izvršiti ovlašteno lice. U slučaju da se utvrdi da je roba oštećena ili neispravna, odnosno da nije u skladu sa zahtjevom, o tome će se sačiniti poseban izvještaj i isti uputiti Dobavljaču da se u roku 2 (dva) dana izjasni u pogledu utvrđenih nedostataka u robi.
- U slučaju da se Dobavljač u ostavljenom roku ne izjasni na okolnosti iz prethodne tačke, Ugovorni organ ima pravo:
 - a) Da od Dobavljača zahtjeva da o svom trošku i na svoj teret utvrđene nedostatke ukloni;
 - b) Da od Dobavljača zahtjeva isporuku robe bez nedostataka;
 - c) Raskine ugovor i zahtjeva naknadu štete

VI - Obaveze Dobavljača

Član 6.

Pored obaveza predviđenih opštim aktima, Dobavljač je posebno obavezan:

- Isporučiti robu prema zahtjevima tendera, sa krajnjim rokom isporuke I ugradnje u trajanju od 45 dana od dana potpisivanja ugovora.
- Izvršiti sve radnje neophodne da roba bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar do krajnjih destinacija, provjere funkcionalnosti i kontrole svih funkcija i sve druge usluge u smislu pripreme robe za prijem na njeno odredište;
- Obezbjedi rezervne dijelove u sklopu dugoročnog servisa u servisu Middle point-a u trajanju od 5 godina,
- Obezbjediti usluge servisa gratis u period garancije tj. (12 mjeseci) od dana potpisivanja ugovora,
- Odgovara za uredno izvršenje ugovora prema važećim propisima, štiti prava i interese Ugovornog organa, te ga obavještava o toku realizacije Ugovora;
- Snosi sve rizike do konačnog prijema robe na krajnjem odredištu, u roku koji je propisan Ugovorom;
- Izvrši isporuku predmetne robe u ugovorenom roku u sjedište Ugovornog organa na adresi Terezija bb 71 000 Sarajevo u skladu sa dostavljenom specifikacijom- narudžbenicom isporuči robu f,c.o skladište kupca.
- da dostavi fakturu (račun) prilikom isporuke robe
- da u roku od 2 (dva) dana , od reklamacije Kupca da roba ima grešku ili nije ugovorenog kvaliteta dužan sve uočene propuste ukloniti u suprotnom

obavezan je predmet reklamacije zamjeniti sa novom robom.

VII - Garancija

Član 7.

Dobavljač daje garanciju Kupcu od 12 mjeseci od dana isporuke na isporučenu robu.

VII Prestanak ugovora

Član 8.

Ugovor prestaje po isteku vremena na koji je zaključen.

IX- Prelazne i završne odredbe

Član 9.

Ako slučaj više sile koja potpuno ili djelimično spriječi trajno ili privremeno izvršenje obaveza po iznosu ovog Ugovora, Ugovorna strana koja se poziva na taj slučaj obavezna je da u roku od 3 (tri) dana od dana nastanka više sile o tome obavijesti drugu Ugovornu stranu na način koji je u datoj situaciji moguć (telegram, telefax i sl.).

Pod višom silom u smislu prethodnog stava podrazumijeva se događaj ili okolnost koji nisu postojali u vrijeme potpisivanja ovog ugovora, koji su nastali mimo volje i moći Ugovorne strane, čije se nastupanje nije moglo predvidjeti i čije se posljedice nisu mogle izbjeći ili otkloniti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom

Član 10.

Sporovi koji nastaju iz ovog Ugovora, rješavat će se u prvom redu međusobnim sporazumom ugovorenih strana, a ukoliko se ne mogu riješiti mirnim putem, oštećena strana može ostvariti prava pred nadležnim Sudom u Sarajevu.

Član 11.

Ugovor je zaključen u 4 (četiri) istovjetnih primjeraka, od kojih Kupcu pripadaju 3 (tri), Dobavljaču 1 (jedan) primjerak i stupa na snagu danom potpisa ugovorenih strana.

Član 12.

Na sva pitanja koja nisu regulisana ovim Ugovorom primjenjuju se odredbe važećih zakonskih i podzakonskih propisa.

Za Dobavljača

Direktor


Maida Veledar



Za Kupca:

Direktor

Amer Kapo



Broj:624/17

Sarajevo,31.05.2017 godine